



Projekat finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Goražde

Izveštaj o održanom III mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u Gradu Goražde

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Gradom Goražde, u srijedu, 28. decembra 2021. godine u trajanju od 11.00 do 13.30 sati održan je treći, koji je i zadnji mentorski sastanak za zainteresovane predstavnike organizacija civilnog društva (OCD).

Termin mentorskog sastanka najavljen je na zvaničnoj internet stranici Grada Goražda (www.gradgorazde.ba). Dodatno, kako bi se osiguralo da su OCD obaviještene o mentorskoj sesiji, administracija Grada Goražda je dostavila cirkularnu elektronsku poštu na kontakt adrese organizacija civilnog društva. Mentorskom sastanku je prisustvovalo 8 učesnika (3 žene i 5 muškaraca) iz 7 OCD-a.

Mentorica je još jednom ponovila osnovne elemente Javnog poziva, te stavila fokus na eliminatorne kriterije i važnost da **neophodna projektna dokumentacija bude sačuvana u elektronskom obliku (USB)**. Jedina dva štampana dokumenta su ovjerena kopija važećeg rješenja o registraciji i kopija završnog godišnjeg finansijskog izvještaja za 2020. godinu (bilans stanja i bilans uspjeha). Također, pomenuta su i iskustava iz prethodnih javnih poziva i propusti OCD-a da **provjere tehničku ispravnost dostavljenog USB-a** kao i obaveznu provjeru mogućnosti otvaranja PDF dokumenata.

Dodatno, mentorica je u toku svoje prezentacije naglasila neophodnost da osnovna četiri dokumenta budu u međusobnoj logičkoj vezi. Predstavnici OCD-a su donijeli pripremljene logičke matrice te je kroz plenarnu diskusiju ukazano na greške u dizajnu projektne intervencije. Najčešće greške su vezane za formulaciju „lanca ciljeva“, odgovarajuće SMART indikatore kao i sadržaj „**radnih paketa**“ čiji sadržaj treba da garantuje isporuku ishoda iskazanih kroz projektne Rezultate. Također, naznačeno je da je u polazište neophodno napisati informaciju koja ukazuje da postoji potreba za realizacijom projekta. **Polazište** se odnosi na stanje „u momentu pisanja prijedloga projekta“, dok indikator u **drugoj koloni logičke matrice** predstavlja **krajnju vrijednost** koja će se postići kroz projektnu implementaciju. Indikatori trebaju da zadovoljavaju SMART princip. Svi projekti moraju imati transparentan odabir korisnika/ca za svaku predviđenu aktivnost. Maksimalana vrijednost za vidljivost projekta ne bi trebala da prelazi 10% od ukupne vrijednosti budžeta.

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Projekat finansira
Evropska unija

Regionalni program lokalne demokratije na Zapadnom Balkanu 2 ReLOaD2



Mentorica je savjetovala svim učesnicima da još jednom pogledaju Strategiju Grada Goražda i da obrate pažnju na prioritetne oblasti koje su relevantne za njihove planirane projektne intervencije.

Treći - zadnji mentorski sastanak je završen sa informacijom da predstavnici organizacija trebaju **do 4. januara, 2022.** završiti sa izradom projektnog prijedloga i svu neophodnu dokumentaciju u elektronskoj verziji na USB-u predati u zgradu uprave Grada Goražda.